

Ang NAPLAN sa papel – impormasyon para sa mga magulang at tagapag-alaga

Ang iyong anak ay kukuha ng NAPLAN na mga pagsusulit sa papel sa 2020

Napagkasunduan ng mga ministro ng edukasyon sa pederal, estado at teritoryo na lahat ng mga paaralan ay dahan-dahang lilipat sa NAPLAN Online mula sa kasalukuyang nasa papel na NAPLAN upang makapagbigay ng mas mahusay at mas tumpak na pagtatasa na mas nakakaengganyo para sa mga estudyante.

Magpapasya ang mga awtoridad ng edukasyon sa estado at teritoryo kung kailan lilipat ang kanilang mga paaralan sa online. Ang kasalukuyang plano ay lilipat ang lahat ng mga paaralan sa NAPLAN Online bago sumapit ang 2021.

Bakit kumukuha ang mga estudyante ng NAPLAN?

Ang National Assessment Program – Literacy and Pagbilang (NAPLAN) ay nagtatasa ng mga kakayahan sa pagbasa, pagsulat at pagbilang na mahalaga upang ang bawat bata ay umunlad sa paaralan at buhay.

Ang mga estudyante sa Year 3, 5, 7 at 9 ay lalahok sa taunang NAPLAN na mga pagsusulit sa pagbasa, pagsulat at mga pamantayan ng wika (pagbaybay, balarila at pagbantas) at pagbilang.

Ang pagtatasa ay nagbibigay sa mga magulang at mga paaralan ng kaalaman kung paano gumagampan ang indibidwal na mga estudyante sa oras ng mga pagsusulit. Ang NAPLAN ay isa lamang aspeto ng proseso ng pagtatasa at pag-uulat ng paaralan – hindi ito hahalili sa kasalukuyang mga pagtatasa na ginagawa ng mga guro tungkol sa paggampan ng estudyante.

Ang NAPLAN ay nagbibigay din ng impormasyon sa mga paaralan, mga awtoridad ng edukasyon at mga pamahalaan kung paano gumagana ang mga programa ng edukasyon at kung nakakamit ng mga batang Australyano ang mahahalagang kalalabasan sa edukasyon sa pagbasa, pagsulat at pagbilang.

Ano ang tinatasa ng NAPLAN?

Tinatasa ng NAPLAN ang mga kakayahan sa pagbasa, pagsulat at pagbilang na natututunan ng mga estudyante sa kanilang regular na kurikulum sa paaralan. Lahat ng mga awtoridad sa edukasyon na pampamahalaan at di-pampamahalaan ay nag-ambag sa pagbuo ng mga materyal sa NAPLAN.

Dahil ang mga estudyante ay tinatasa sa parehong nilalaman ng kurikulum sa pagbasa, pagsulat at pagbilang, kahit pa tinapos nila ang pagsusulit sa online o sa papel. Ang mga resulta sa dalawang format ay maaaring iulat sa iisang eskala ng pagtatasa ng NAPLAN.

Paano ko matutulungang maghanda ang aking anak?

Kung ito lamang, ang NAPLAN ay hindi isang pagsusulit na maaaring aralin at ang mga estudyante ay hindi inaasahang gawin ito.

Tulungan ang iyong anak na maghanda sa pamamagitan ng pagpanatag sa kanilang kalooban na ang NAPLAN ay isang bahagi lamang ng programa ng kaniyang paaralan, at paalalahanan siya na gawin ang lubos niyang makakaya sa araw na iyon.

Hindi inirerekomenda ng ACARA ang sobra-sobrang paghahanda para sa NAPLAN o ang paggamit ng mga serbisyo ng mga pribadong tagapagturo.

Titiyakin ng mga guro na ang mga estudyante ay pamilyar sa mga uri ng mga tanong sa pagsusulit at magbibigay ng naaangkop na suporta at gabay.

Tingnan ang mga halimbawa ng mga tanong sa NAPLAN sa nap.edu.au/naplan

Paglahok sa NAPLAN

Lahat ng mga estudyante sa Year 3, 5, 7 at 9 ay inaasahan na lalahok sa taunang NAPLAN na pagtatasa. Ang mga estudyante na may kapansanan ay maaaring kwalipikado para sa mga pag-aakma na sasalamain sa suporta na kadalasang ibinibigay para sa mga pagtatasa sa silid-aralan. Dapat mong talakayin sa guro ng iyong anak ang paggamit ng anumang mga pag-aakma para sa iyong anak.

Ang estudyante na may kapansanan na matinding naglilimita sa kanyang kakayahan na lumahok sa pagtatasa, o ang estudyante na dumating kamakailan sa Australya at nagmula sa bansang hindi nagsasalita ng Ingles, ay maaaring mabigyan ng pormal na exemption.

Ang iyong punung-guro sa paaralan at lokal na awtoridad sa pamamahala ng pagsusulit ay maaaring magbigay sa iyo ng higit pang impormasyon tungkol sa mga natatanging probisyon o sa proseso na kinakailangan upang mabigyan ng pormal na exemption.

Paano kung ang aking anak ay lumiban sa paaralan sa mga araw ng NAPLAN?

Hangga't maaari, aasikasuhin ng mga paaralan na makumpleto ng indibidwal na mga estudyante na lumiban sa oras ng pagsusulit ang mga nakaligtaang pagsusulit sa ibang oras sa linggo ng pagsusulit. Ang indibidwal na mga estudyante ay hindi pinapahintulutan na kumuha ng pagsusulit makaraan ang Biyernes 15 Mayo 2020.

Paano inuulat ang paggampan ng aking anak?

Ang paggampan ng indibidwal na estudyante ay ipapakita sa pambansang eskala ng paggampan para sa bawat pagtatasa. Ang resulta sa pambansang minimum na pamantayan ay nangangahulugan na ang estudyante ay nagpamalas ng batayang mga kakayahan sa pagbasa, pagsulat at pagbilang na kailangan upang lubos na makalahok sa antas ng pag-aaral na iyon.

Ang ulat ng NAPLAN para sa indibidwal na estudyante ay ipalalabas ng paaralan ng iyong anak sa katapusan ng taon. Kung hindi ka nakatanggap ng ulat, dapat mong kontakin ang paaralan ng iyong anak.

2020 iskedyul sa NAPLAN Online

Ang pagtatasa sa papel ay magsisimula sa Martes 12 Mayo at matatapos sa Biyernes 15 Mayo 2020.

Ang mga rekesitos sa pag-iskedyul ng pagsusulit sa papel ay nakadetalde sa talaan sa ibaba.

Paano ginagamit ang mga resulta ng NAPLAN?

- Maaaring gamitin ng mga estudyante at mga magulang ang indibidwal na mga resulta upang talakayin sa mga guro ang progreso.
- Ginagamit ng mga guro ang mga resulta upang mas mahusay na tukuyin ang mga estudyante na makikinabang sa higit pang mga hamon o dagdag na suporta.
- Ginagamit ng mga paaralan ang mga resulta upang tukuyin at mga kalakasan at mga bahagi na kailangang pagbutihin sa mga programa sa pagtuturo, at itakda ang mga mithiin sa pagbasa, pagsulat at pagbilang.
- Ginagamit ng mga sistema ng paaralan ang mga resulta upang repasuhin ang mga programa at suportang inaalok sa mga paaralan.
- Maaaring makita ng komunidad ang average na mga resulta sa NAPLAN ng paaralan sa myschool.edu.au

Saan ako makakakuha ng higit pang impormasyon?

Para sa karagdagang impormasyon tungkol sa NAPLAN:

- kontakin ang paaralan ng iyong anak
- kontakin ang inyong lokal na awtoridad sa pamamahala ng pagsusulit sa nap.edu.au/TAA
- bisitahin nap.edu.au

Upang malaman kung paano hinahawakan ng ACARA ang personal na impormasyon para sa NAPLAN, bisitahin ang nap.edu.au/naplanprivacy

Pagsusulit sa papel	Martes 12 Mayo	Miyerkoles 13 Mayo	Huwebes 14 Mayo
Mga kumbensyon sa wika Ang pagsusulit na ito ay magtatasa ng pagbaybay, balarila at bantas	Year 3: 45 minuto Year 5: 45 minuto Year 7: 45 minuto Year 9: 45 minuto		
Pagsulat Ang mga estudyante ay bibigyan ng 'stimulus sa pagsulat' (na minsan ay tinatawag na 'prompt' – isang ideya o paksa) at sasabihang isulat ang sagot gamit ang isang partikular na genre (pasalaysay o mapanghikayat na pagsulat)	Year 3: 40 minuto Year 5: 40 minuto Year 7: 40 minuto Year 9: 40 minuto		
Pagbasa Ang mga estudyante ay magbabasa ng hanay ng mga teksto na nagbibigay-kaalaman, mahiraya at mapanghikayat at pagkatapos ay sasagutin ang kaugnay na mga tanong		Year 3: 45 minuto Year 5: 50 minuto Year 7: 65 minuto Year 9: 65 minuto	
Pagbilang Tatasahin ng pagsusulit na ito ang bilang at alhebra, pagsukat at heometriya, at estadistika at probabilidad			Year 3: 45 minuto Year 5: 50 minuto Year 7: 65 minuto Year 9: 65 minuto